

Předloha č. ZP 106/2012

za posedženje zwjazkowego předsydstwa dnja 28.01.2012 w Budyšinje

Zapodačel předlohi: prezidij zwjazkowego předsydstwa

Awtor předlohi: Bjarnat Cyž

Nastupa (předmjet wuradźowanja): koncept k přichodnemu wužiwanju rumnosćow něhdyšeje "Bjesady" w Serbskim domje w Budyšinje

Slěd wobjednanja resp. wothłosowanja:

Gremij	datum	wuslědk
prezidij zwjazkowego předsydstwa	13.01.2012	přihłosowanje namjetam z wuradźowanja dnja 12.01.2012

Namjet za wobzamknjenje:

Zwjazkowe předsydstwo Domowiny schwali hruby koncept přichodneho multifunkcionalneho wužiwanja rumnosćow něhdyšeje "Bjesady" w Serbskim domje w Budyšinje za serbske zajimy. Přihłosuje k tomu trěbnym přetwarnym naprawam.

Za realizowanje namjeta trěbne financne sředki:

datum: 19.01.2012



.....
podpismo zapodačela

Wuslědk wothłosowanja:

za namjet:

přečiwo namjetej:

so hłosa wzda:

Koncept za wužiwanje rumnosće něhdyšeje kofejownje "Bjesada"

1. Zawodne mysle
2. Rozrjadowanje rumnosćow
3. Wužiwanske móžnosće a poskitki
4. Techniske wuhotowanje
5. Inwestiwne naprawy
6. Etapy realizacije
7. Popłatki za wužiwanje – dochody a běžne wudawki
8. Zamołwitosće za wobhospodarjenje

K 1.:

Na zhromadnym wuradźowanju zastupjerjow serbskich towarstwow, župow a serbskich institucijow dnja 17.11.2011 a 12.02.2012 w Budyšinje běchu sej přitomni přezjedni, zo měli so dotalne hóstne rumnosće něhdyšeje kofejownje "Bjesada" na multifunkcionalne wašnje towarstwam, jednotliwcam a zajimcam k dispoziciji stajić.

Zložujo so na płačace zrěčenje mjez mějicelku Domowinu a Založbu njeměť hospodarski, ale přenjorjadnje wobsahowy faktor w srjedźišću noweho koncepta stać. Při tym měła so tež móžnosć kooperatiwneho wužiwanja mjez Domowinu, Založbu a sćelakom MDR pruwować. Techniske wuhotowanje rumnosćow ma džensnišemu standartej moderneje elektroniki a standartom na polu wužiwanja interneta wotpowědować. Zaručić ma so tež, zo wobsteji za zajimowany kruh móžnosć w swójskej zamołwitosći přez catering wěste zakładne zastaranje zaručić. Njeje hižo předwidžane, zo zarjaduje so stajna lokalita pod wično-hospodarskimi wuměnjemi.

Cyłkowne wuhotowanje ma tež wobkedźbować a reflektować na trěbnu dalšu modernizaciju rumnosćow w cyłym Serbskim domje, wosebje nastupajo žurlu a předžurlu w 1. poschodže. Wužiwanje rumnosće dotalnej kuchnje měło so pod aspektom předwidžanych strukturnych reformow za zaměstnjenje towarstwoweje rumnosće z małej kuchnju.

Wočakuje so dalša zjawna diskusija k načiskej koncepta, přjed hač so naprawy za wuhotowanje wotpowědnych wočakowanjow zahaja.

K 2.:

Dotalna rumnosć kofejownje ma so w jeje wulkosći wobchować a přez lochku scěnu w srjedźnym džělu do dweju rumnosćow džělić.

Prěnja rumnosć ze zachodom sewjerneho boka Serbskeho domu měła sloužić jako klubownja za wšelakore zarjadowanja, hdžež zatwari so znova tež wotpowědna theka za zastaranje. Z tutoho wubłuka sem su tež přistupne sanitarne rupy, tak zo su wšitke wuměnjena za to date, zo so skupiny hač do 30 wosobow w rumnosći zetkawaja.

Prědny džěl rumnosće ze zachodom z foyea Serbskeho domu měť so wuhotować jako rumnosć za přednoški, forumy, kulturne programy a natočenja produkcijow za rozhłosowe resp. telewizijne wusyłanja. Za to ma so wotpowědna fleksibelna scěna tak zatwarić, zo wotmjezuje so jewišćo wot zbytnjeje rumnosće. W rumnosći samej připrawja so po rykach stólcy za přihladowarjow, posłucharjow.

Něhdyša rumnosć kuchnje měła so zasadnje wobnowić a připrawić jako towarstwowa rummnosć. Dalše pódlanske rumnosće služa jako techniski rum (zwukowa režija, kabina za tołmačerjow).

K 3.:

Přez scěnu, kiž džěli přědnu a zadnu wulkosć cyłkowneho ruma kofejownje, wobsteji móžnosć paralelnych zarjadowanjow. Na druhim boku da so přez přesunjenje scěny cyłkowna rumnosć za zarjadowanja z něhdže 60 – 70 hosćimi wužiwać. Rumnosće měli so tež wužiwać za zajimowane skupiny turistow a hosći Domowiny, Załožby a druhich serbskich institucijow, kiž maja potrjebu so wo serbskim žiwjenju informować.

W přědnym džělu z klubowym charakterom hodža so najwšelakoriše wječorne zarjadowanja přewjesć. Za to by trjeba było, zo namakamy zwólniwych čestnohamtskich člonow towarstwow abo jednotliwcow, kiž móhli wěste poslužbowe nadawki za zajimowane skupiny přewzać.

Naprašować měli so wšitke zajimowane skupiny a towarstwa města a wokoliny, kajke konkretné prawidlowne zarjadowanja bychy chcyli w klubowni abo w towarstwowej rumnosći přewjesć.

Wječorne zarjadowanja radija “Satkula”, wotewrjenja wustajeńcow w SKI a druge prawidlowne předewzaća měli so do lětneho plana zapisać. Do tajkeho slušeja tež prawidlowne wuradžowanja předsydstwow župow a towarstwow, kiž chcedža poskitki wužiwać.

W běhu wšědnego dnja měli so přez wotpowědne zapiski do planowanskich knihow zajimowane skupiny na centralnym městnje (SKI) registrować a tak rumnosće po planje wotnajeć.

Wotpohłady scelaka MDR za natočenja programowych poskitkow – hač telewizijnych abo rozhłosowych – měli so tež po konkretnym měsacnym planu wothłosować.

Wotdžělenje cyłkowneho kompleksa wot přistupa do Serbskeho domu je přez zachodne durje ze stron foyea zaručene. Přístup wot wonka k rumnosćam je po džělowym času móžny, bjez toho zo zasadzi so službu wukonjaca wosoba zarjada.

K 4.:

Nimo trěbneho mobiliara ma so w přědnym džělu připrawić wotpowědny podij z fleksibelnej scěnu za projekcije přez beamer, kiž je kruće instalowany. Zdobom měła w tutym wobłuku instalowany być kruta zwukowa připrawa kaž tež wotpowědna swěca, kiž wobswětli rum aktěrow na jewišću.

Přístup k internetej ma so w přědnym džělu klubownje runje tak zmóžnić kaž we towarstwowej rumnosći. Wulka telewizijna wobrazowka měła so kruće instalować.

K 5.:

1. mobilny inwentar – blida a stólcy – w cyłku za 70 wosobow
2. zatwar theki za poskićenja napojow a catering
3. zatwar zwukoweje techniki z režiju
4. zatwar swěcy wokoło podesta
5. cyłkowny twarski přetwar rumnosćow a instalacija wotpowědnych přizamknjenskich móžnosćow za telefon, internet, TV, wobswětlenje a přizamknjenje zwiskow k studiju MDR, inkl. molerske wuhotowanje wšitkich rumnosćow.

Trochowane cyłkowne kóšty něhdže:

150.000,00 €

Kóšty hodža so hakle po předležacej koncepciji za nutřkowne wuhotowanje wot architektky precizować.

K 6.:

Po schwalenju koncepta mět so namakać nutřkowny architekt, kiž zdžěła wotpowědny naćisk za trěbne twarske naprawy a wobnowjenja rumnosćow zakładneho razu. Nadawk mět hač do kónca februara spjelnjeny być. Po tym wupisaja so jednotliwe trěbne twarske džěła za nowoinstalaciju elektriskich a techniskich wuměnjenjow kaž tež molerske džěła a džělné twarske přerjadowanja.

Cyłkowny projekt ma so w běžnym lěće realizować.

K 7.:

Za rozdžělné formy wužiwanja mět so zdžělać kóštowy plan za podruž. Při tym ma so wobkedźbować, zo měli serbske towarstwa, zjednoćenstwa a institucije rumnosće darmotnje wužiwać móc. Kóšty za wužiwanje přez třecich maja so we wjacorych wariantach wotpowědnje wužiwanskim móžnosćam poskićeć.


W přednym džělu wobłuka klubownje měli tež serbske towarstwa a wužiwarjo minimalny poplatk za rjedženje zapłaćić kiž zaruči, zo su rumnosće stajnje w čistym stawje. Za rjedženje maja so třeće mocy namakać, kiž to w formje poslužby zdokonjeja.

K 8.:

Po tuchwilnym zapołożenju leži cyłkowna zamołwitosć wobhospodarjenja rumnosćow Serbskeho domu pola wotrjada za imobilije Założby. Tole móhło so dale w tutym wobłuku zdokonjeć. Jeli so přez strukturne změny nowa konstelacija jewi, hodži so zamołwitosć za wobhospodarjenje tež přez wosoby we wobłuku SKI dokonjeć.

Naćisk koncepta napisal: Bj. Cyž – jednaćel

Koncept „BJESADA 2012“



Předloha č. ZP 107/2012

za posedzenje zwjazkowego předsydstwa dnja 28.01.2012 w Budyšinje

Zapodačel předlohi:

župa Běla Woda/Niska

Awtor předlohi:

Manfred Hermaš

Nastupa (předmjet wuradźowanja):

nošerstwo 1. mjezynarodneho
festiwala dudakow za dźěći a
młodostnych BORDUN wot 16.
do 17.06.2012 w Slepom

Slěd wobjednanja resp. wothłosowanja:

Gremij	datum	wuslědk
předsydstwo župy Běla Woda/Niska	13.04.2011	schwalenje próstwje wo přewzaće nošerstwo přez třěšny zwjazk
prezidij zwjazkowego předsydstwa	13.01.2012	doporučenje ke schwalenju

Namjet za wobzamknjenje:

Zwjazkowe předsydstwo wotpowěduje próstwje župy Běla Woda/Niska a wobzamknje, zo třěšny zwjazk Serbow a serbskich towarstwow DOMOWINA - Zwjazk Łužiskich Serbow z.t. nošerstwo 1. mjezynarodneho festiwala dudakow za dźěći a młodostnych BORDUN wot 16. do 17.06.2012 w Slepom přewozmje.

Přihoty a přewjedzenje festiwala koordinuje regionalny běrow Domowiny w Slepom.

Za realizowanje namjeta trěbne financne srědky:

Zaruča so z pomocu narunanskich
srědkow Vattenfalla za župu Běla
Woda/Niska, kiž dźěla pod wuměnjenjemi
dołhodobneho wudobywanja brunicy.
Financny plan za projekt předleži.

datum: 16.01.2012



.....
podpismo zapodačela

Wuslědk wothłosowanja:

za namjet:

přećiwo namjetej:

so hłosa wzda:



DOMOWINA

Regionalny běrow Běła Woda / Niska
Regionalbüro Weißwasser / Niesky

ZWJAZK ŁUŽISKICH SERBOW z.t.
ZWĚZK ŁUŽYSKICH SERBOW z.t.
BUND LAUSITZER SORBEN e.V.

Domowina, regionalny běrow Běła Woda/Niska
Měrowa/Friedensstraße 65, 02959 Schleife/Slepom

Domowina
Herr Bernhard Ziesch
Postplatz 2
02625 Bautzen

datum:
telefon: 035773 76153
wobdźělar: Matiza
aktowe znamjo:

Próstwa DOMOWINJE – Zwjazkej Łužiskich Serbow z. t.

Předsydstwo župy Běła Woda/Niska schwali a podpěruje přewjedženje 1. mjezynarodneho festiwalu dudakow za dźěći a młodostnych BORDUN wot 16.-17.06.2012 w Slepom.

Festiwal zarjaduje so zhromadnje z Mjezynarodnym folklornym festiwalom w Chrósćicach do nadregionalnych zarjadowanjow w Hornjej Łužicy ze zaměrom, prawidłownje jónu wob lěto wopytowarjam z tu- a wukraja serbsku a mjezynarodnu folkloru sprosředkować.


Z kóžde lěto w Delnjej Łužicy so wotměwacej Mjezynarodnej folklornej lawinu, dwulětnje zarjadowanym Mjezynarodnym folklornym festiwalom w Chrósćicach a Mjezynarodnym festiwalom dudakow w Slepom wobswědčeja Serbja swój přinošk k dorozumjenju mjez ludami a wysoku hódnotu, kotruž hajnju regionalneje kulturnje přicpěwaja.

Dla nadregionalneho wuznama tutoho kulturneho wjerška prosy předsydstwo župy Běła Woda/Niska ze swojim wobzamknjenjom na posedženju župneho předsydstwa wot 13.04.2011 z wobzamknjenjom čisło 2011-04-13

DOMOWINU – Zwjazk Łužiskich Serbow z.t., zo by přewzała nošerstwo 1. mjezynarodneho festiwalu dudakow za dźěći a młodostnych BORDUN wot 16. do 17.06.2012 w Slepom.

Župa Domowiny Běła Woda/Niska

Slepom, 08.06.2011

 Katicowa

Předloha č. ZP 108/2012

za posedzenje zwjazkowneho předsydstwa dnja 28.01.2012 w Budyšinje

Zapodačel předlohi:

prezidij Domowiny

Awtor předlohi:

Werner Sroka

Nastupa (předmjet wuradźowanja):

zestawa programoweje komisije
"Domowina 2025"

Slěd wobjednanja resp. wothłosowanja:

Gremij	datum	wuslědk
15. hłowna zhromadźizna Domowiny	26.03.2011	zakótwjenje nadawka k wudźěłanju noweho programa Domowiny do dźělowych směrnicy hač do 16. hłowneje zhromadźizny w lěće 2013
zwjazkowe předsydstwo	19.11.2011	precizowanje nadawka

Namjet za wobzamknjenje:

Za powołanje programoweje komisije "Domowina 2025" na přichodnym posedzenju zwjazkowneho předsydstwa (dnja 17.03.2012 w Choćebuzu) měli wšitke sobustawske župy a nadregionalneho towarstwa kompetentnu kandidatku/kompetentneho kandidata hač do 29.02.2012 namjetować. Při tym su župy a nadregionalne towarstwa wuraznje namołwjene, hladajo na zdźělanje perspektiwneho programa Domowiny wosebje młódšich člonow za sobudžěło w programowej komisiji nominować.

Zwólniwosć namjetowaneje / namjetowaneho k wukonjenju tutoho mandata ma w pisomnej formje předležec.

Za realizowanje namjeta trěbne financne srědky:

posedženski pjenjz a jězbne kóšty po
pláčacym porjedže

datum: 05.01.2012



.....
podpismo zapodačela

Wuslědk wothłosowanja:

za namjet:

přećiwo namjetej:

so hłosa wzda:

**Informaciska předłoha čo. ZP 109/2012
za posedženje zwjazkowneho předsydstwa dnja 28.01.2012 w Budyšinje**

Zapodačel předłohi:

Župa "Jan Arnošt Smoler"

Awtor předłohi:

Jana Pětrowa

Nastupa (předmjet wuradźowanja):

**informaciju Župy "Jan Arnošt Smoler"
wo swojich předewzačach w jubilejnym
lěće Domowiny**

Slěd wobjednanja resp. wothłosowanja:

Gremij	datum	wuslědk

Namjet za wobzamknjenje:

Zwjazkowe předsydstwo bjerje informaciju na wědomje.

Za realizowanje namjeta trěbne financne srědky:

datum: 05.01.2012

podp. Jana Pětrowa

Wuslědk wothłosowanja:

za namjet:

přećiwo namjetej:

so hłosa wzda:

Dzělowne čezišća župy "Jan Arnošt Smoler" za lěto 2012

dzělownosć župy koncentruje so na scěhowace čezišća :

- wuwijanje a skrućenje narodneho wědomja Serbow, *zdźerženje a skrućenje skupinskih cyłkow a zesylenje župy přez nowe člonstwo a womłodženje,*
- spěchowanje nawuknjenja serbskeje rěče a jeje šěrokeho naložowanja w swójbny a zjawnym žiwjenju, při tym sluša wosebita kedźbnosć a přewod modelej "Witaj" a *dalewuwiću 2plus*
- *spěchowanje, wuwice a hajenje* serbskeje ludoweje kultury, literatury a wumělstwa, serbskich naložkow a tradicijow a zwjazanosće z dwunarodnostnej domiznu.

Župa prócuje so wo

- šěrjenje stawiznow serbskeho luda a blišeje domizny mjez Serbami a Němcami *a to wosebje mjeze šulskej džěćinu a młodžinu,*
- zwoprawdženje narodnych zajimow na teritoriju župy bydlacych Serbow, wosebje na gmejskej a wokrjesnej runinje,
- spěchowanje serbskeho towaršnostneho žiwjenja, serbskeje zhromadnosće a towaršliwosće,
- spěchowanje mjezsobneje tolerancy, akceptancy a runoprawosće mjez Serbami a Němcami
- spěchowanje přećelskich počahow k słowjanskim ludam a narodnym mjenšinam

I. Projekty župy

1. Nazymske koncerty budu

we Worcynje

w Bukcach

w Radworju

w Budyšinje (*kombinowane z kermušku Budyskich Serbow*)

a w Komorowje pola Klukša

2. Narodne a kulturne wjerški, róčnicy a projekty w župje su dale

- 26.03.12 wotewrjenje dwurěčneho informaciskeho centruma Biosferoweho
reserwata w Stróži pola Hućiny
- 27.03.12 swjedžen serbskeje rěče w Zakładnej šuli w Barće
- 28.04.12 nalětnje wiki w Stróži
- 15.06. abo 22.06.12 projekt ze šulerjemi B- serbsčiny w Biosferowym reserwaće
spočatk julija župne předsydstwo přeprošuje skupiny na zahrodu Měrcina
Nowaka
- 04.09.12 200. narodn. Jan Kmoch, ratar, braška (Kolwaz Chwaćicy);1840 do
1870 najwuznamn. serbski braška nawjed. wjace hač 2000
serbskich kwasow, hdys a hdys tež katolske –župne
drastowe zarjadowanje ze skupinami a Serbskim gymnazijom
- 08.09.12 nazymske wiki w Stróži
- 29.09.12 župna kublanska jězba do narańšich kónčinow
- 13.10.12 100 lět Domowina Swjedžeńske zarjadowanje Domowiny
we Łužiskej hali Wojerecy
- 10.11.12 kermuša Budyskich Serbow
- 09.11.12 zhromadne župne filmowe zarjadowanje k 100 róčnicy Domowiny
ze skupinu Komorow / Klukš
- 03.12. 12 župa prócuje so wo zhromadny koncert w Biosferowym reserwaće
k česći 190. narodnin K.A.Kocor
- 11.12.12 kónclětne župne předsydstwo zhromadnje ze skupinskimi
předsydstwami

Nimo dowoloweho časa přewjedu so prawidłownje měsačne wuradźowanja župneho předsydstwa

II. Zhromadne džěło w regionje a wokrjesu

Z podpěru regionalneje rěčnicy prócuja so Domowinske skupiny w swojich komunach zaměrnje wo praktiske přesadźenje a wobsahowe konkretizowanje wustawkow k spěchowanjcu serbskeje rěče a kultury.

Župa prócuje so wo koordinowanje džěła z dalšimi župami Budyskeho wokrjesa.

Župne předsydstwo skići pomoc w přihotach a při přewjedźenju nadskupinskich zarjadowanjow kaž tež wulětow.

III. Džělawosć Domowinskih skupinow

Po slědowacych zaměrach ma so lětna džělawosć skupinow a towarstwow župy planować:

- *Skupiny prócuja so wo zaměrne wužadanje naložowanja serbskeje rěče w zjawnosći a wo rozšěrjenje serbskorěčnych rumow k najwšelakorišim skladnosćam.*
- *Skupiny spěchuja a organizuja serbske towaršnostne žiwjenje, a prócuja so wo to, prawje wjele Serbow, wosebje dźěći a młodzinu - nic jenož člonow skupiny - do njeho zapřije.*
- *Skupiny a towarstwa prócuja so zhromadnje ze susodnymi Domowinskimi skupnami wo organizowanje kursow serbsćiny za dorosćenych.*
- *Županka, člonoyo předsydstwa kaž tež regionalna rěčnica jich při tym podpěruja.*

Za wuspěšnu džělawosć Domowinskih skupin je trěbne :

- 1. džěłokmane skupinske předsydstwo kotrež so prawidłownje zetkawa*
- 2. zo so předsydstwo wo prawidłowne wobdžělenje člonstwa a dalšich Serbow na zarjadowanjach prócuje a kulturne poskitki druhich serbskich institucijow wužiwa*
- 3. zo skupina w kwartalu znajmjeńša jedne skupinske zarjadowanje sama organizuje abo so na jednym centralnym zarjadowanju wobdžěli*
- 4. zo skupina kontakty k serbskim swójbam pěstuje, zo by so dwurěčny dorost župy zaručil*
- 5. zo skupiny serbskorěčne wukublanje dźěći podpěruja a za wopyt serbskich- a Witaj-skupinow a za wobdžělenje na serbskej wučbje wabja*
- 6. zo so nad tym stražuje, zo komunalne organy w swóich rozsudach a wobzamknjenjach narodnu runoprawosć Serbow přesadźa a serbsku rěč a kulturu spěchuja*
- 7. zo so prawidłownje přinošk zběra*

IV. Podpěra za Domowinske skupiny

- *přez prawidłowny wosobinski kontakt člonow župneho předsydstwa z předsydami a druhimi člonami skupinow, natwar syće dowěrnikow.*
- *přez informaciske zarjadowanja ze skupinskimi předsydstwami jónu wob lěto*
- *přez organizowanje nadskupinskih zarjadowanjow na župnej runinje*
- *přez wobdžělenje na skupinskih zarjadowanjach*

Předloha č. 110/2012

za posedzenie zwjazkowego předsydstwa dnja 28.01.2012 w Budyšinje

Zapodačel předlohi:

prezidij Zwjazkowego předsydstwa
Domowiny

Awtor předlohi:

Manfred Hermaš

Nastupa (předmjet wuradžowanja):

stejiščo Domowiny k dalepisanju
brunicoweho plana za wotkrytu jamu
Wochozy

Slěd wobjednanja resp. wothłosowanja:

Gremij	datum	wuslědk
předsydstwo Župy Běła Woda/Niska	30.11.2011 11.01.2012	wobjednanje a schwalenje stejišča
prezidij zwjazkowego předsydstwa	13.01.2012 16.01.2012	přihłosowanje k župnemu stejišću a schwalenje jako zhromadnu poziciju třešneho zwjazka a župy pod wuměnjomjow doskónčeho přihłosowanja ZP wotedaće na planowanski zwjazk termina zapodača (20.01.12) dla

Namjet za wobzamknjenje:

Zwjazkowe předsydstwo Domowiny wokrući rozsud swojeho prezidija z dnja 13.01.2012 nastupajo stejiščo Domowiny k dalepisanju brunicoweho plana za wotkrytu jamu Wochozy a schwali z tym zhromadnu poziciju třešneho zwjazka a Župy Běła Woda / Niska doskónčne.

Za realizowanje namjeta trěbne financne srědky: žane srědky Domowiny

datum: 16.01.2012



.....
podpismo zapodačela

Wuslědk wothłosowanja:

za namjet:

přečiwo namjetej:

so hłosa wzda:

Wobzamknjenje 2012-02

Stejišćo župy Běla Woda Niska k dalepisanju brunicewego plana Wochozy za posedženje dnja 11.01.2012

Domowinska župa Běla Woda/Niska zabjerje k zjawnje wupołożenym podložkam dalepisanja brunicewego plana Wochozy na swoim wuradźowanju 30.11.2011 a 11.01.2011 scěhowace stejišćo:

Župa Běla Woda/Niska je hižo w lětomaj 2008 a 2010 swoje zasadne stejišćo k planowanemu teritorijej 2, kotryž je za wotbagrowanje předwidžany (w brunicewym planje 1994 rěkaše wón „prioritna kónčina“) zwurazniła:

Wuprajamy so přećiwo wotbagrowanju planowaneho teritorija 2, štož by kompletne wotbagrowanje Mułkec, Rowneho a Miłoraza woznamjenjało. Přetož scěhi toho wostawaja za přewšo sensibelnu kónčinu regiona Slepjanskich Serbow njedźiwajo wšitkich planowanych naprawow njewobličomne a přisadjenje zdźědženeje domizny je grawěrowacy zarěz do žiwjenskeho wašnja wšitkich potrjechenych.

Tute stejišćo pak njewoznamjenja, zo budže so župa přećiwo woli wjetšiny wobydlerjow stajeć; tući tuchwilu na bórzomne přesydlenje tłóča.

Pod tutymi wobstejnosćemi je naša pozicija k předpołożenemu naćiskej brunicewego plana slědowaca:

1. Zwěšćamy, zo dowjedže wobkedźbowanje wěstych serbskich wobmyslenjow w procesu wobdźělenja na diskusiji přednaćiska k wyšej kwalice požadanskich podložkow. Mj. dr. přeformulowa so něhdyša zasada 16 nětko do cila 14, w kotrymž je rjad podpěrowanskich naprawow za zachowanie a garantowanie serbskosće w Slepjanskej wosadze zapisany. To je potajkim wjace hač jenož formulowanie wotpohlada, wšako namjetuja so nětko konkretniše naprawy.
2. Přešćem ma so tule ze serbskeje strony zwěsćić:
 - a. Zahajeny proces njeje dobrowólny rozsud serbskeho džěla ludnosće. Serbja dyrbjachu so tutomu procesej na zakładze wuhibkow, kotrež bě politika stajila, podrjadować. Zo njeby mjeńšina w rozestajenju ze zajimami wjetšinoweje ludnosće ireparabelnych škodow počerpjela, móže so jenož wotum wjetšiny ludnosće w prašenju, hač „wostać abo hić“, akceptować.
 - b. Wukładowanie artikla 5 w zwisku z artiklom 15 Ramikoweho dojednanja za škit narodnych mjeńšinow z dnja 01.02.1995 njesmě so na wobłuk kultury wobmjezować, přetož wón počahuje so tež na wšě zasadne elementy identity přislušnikow narodneje mjeńšiny, mjenujcy nabožinu, jich rěč, tradicije a kulturne herbstwo.
 - c. Tohodla je trjeba, zo so zachowanie a rewitalizowanie rěče jako bytostny element a jadro kultury při pohódnoćenju předležacych podložkow na kóždy pad we wusahowacej měrje wobkedźbuje. Wona pak je w naćisku za słyšenje ludnosće po § 10 wotr. 1 Zakonja wo rjadowanju rumow (w dašim ROG) w zwisku z § 6 wotr. 2 Sakskeho krajneho planowaneho zakonja (w

dalším SächsLPIG) jenož njedosahajcy wobkedźbowana. Při pruwowanju wuskutkow na faktor „čłowjek“, při strategiskim pruwowanju wobswěta, pak so aspekt rěče w hódnoćenju ani njenaspomnja. We wobswětowej rozprawje, w naćisku za słyšenje ludnosće po § 10 wotr. 1 ROG w zwisku z § 6 wotr. 2 SächsLPIG, njeje žanychžkuli wuprajenjow k tomu.

- d. We wobłuku 3. přechoda monitoringa (7.-10. decembra 2009), kotryž je w ramikowym dojednanju předpisany, wotmě so w decembru 2009 rozmołwa z wuběrkom ekspertow, zastupjerjemi Rady za serbske naležnosće při Sakskim krajnym sejmje a zastupjerjemi Sakskeho statneho ministerstwa za wědomosć a wuměšstwo. W njej běchu přichodne wudobywanje brunicy a z tym zwisowace přesydenja w Slepjanskim regionje čezišćo. W předležacej rozprawje poradźowaceho wuběrka so naležnje na to skedźbnja, zo ma so substancia etnikuma zachować a zo ma wón na procesu rozsuda aktiwnje wobdźěleny być. Dotal njeje w Swobodnym staće Sakskej žadyn přiškad ze stawiznow sakskeho serbskeho sydlienskeho ruma znaty, hdžež bychu so po přesydenju ludži dla brunicy serbska rěč, kultura a tradicije w swojej substancy zachowali abo samo perspektiwisce skrućili. Jeli ma to w Slepjanskim regionje w padže přizwolenja bruniceho plana lěpje wotběžeć – potajkim hinak, hač su dotalne nazhonjenja z pozhubjenjom serbskeje substancy –, potom su wo wjele wjetše prócowanja trěbne hač dotal. Tohodla je na etniskim, kulturnym a turistiskim polu nadregionalna podpěra trěbna – tež ze stron Zwjazka a Swobodneho stata – nic jenož wot koncerna Vattenfalla. Vattenfall wužiwa samo na sebi jenož wutworjene zakonske wobłukowe wuměnjenja.

K jednotliwym postajenjam naćiska mamy slědowace wobmyslenja, pokiwy a namjety:

Předstowo:

Tule wočakujemy na stronje 1 konkretne nawjazanje na horjeka hižo mjenowane Ramikowe dojednanje za škit narodnych mjeńšin z dnja 01.02.1995.

Wobkedźbowanje europskeho prawa je tež jedyn ze zakładow, zaručacy serbskej rěči, nałožkam a tradicijam w Slepjanskej wosadze přichod. Tole měło so tež hišće podklasć z postajenjom sakskeho Serbskeho zakonja w § 2 wotr. 3, w kotrymž rěka: „Serbski lud a kóždy Serb maja prawo na škit, zachowanje a hajenje swojeje zdźědženeje domizny a swojeje identity.“ W tutym nastupanju ma so w brunicowym planje dopokazać, zo druhe zajimy w kónčinje Slepjanskich Serbow tute prawo na škit přewahuja. Zaručenje serbskosće njesmě so ani z prócowanjom wo wobchowanje samostatnosće gmejnow we wosadze abo přez dalše decentralizowanje serbskosće jenož na runinje wsow podrywać.

2.2 Premisy energijoweje politiki a krajneho planowanja

K energijopolitiskim předstawam Zwjazkoweje republiki Němska, kotrež su na stronje 7 naspomnjene, zwěšćamy, zo wobhladowaše najaktualniši „Energijowy koncept za wobswět šonowace, spušćomne a zapłaćomne zastaranje z energiju“ z dnja 28. septembra 2010 hišće atomowu energiju jako mostowu technologiju k wobnowjomnym energijam a zo bě w nim poněčimny kónc zmilinjowanja brunicy předwidžany.

2.3 Přewjedženje strategiskeho pruwowanja wobswěta (SUP) k brunicowemu planej, kotryž ma so dalepisać

W našim stejišću z dnja 15.10.2008 sej žadachmy, zo so socialne počezjenja w sydlenkim rumje ewangelskich Serbow přepytuja a při tym tež wusutki demografiskeho wuwica wobkedžbuja. Zdobom mějachu so tež prócowanja wo spěchowanje serbskeje rěče, kultury a identity přepytować. W slědowacym słyšenju k wotwažowanju bu nadžěłanje koncepcije „Za zachowanje a spěchowanje serbskeje rěče a kultury“ namjetowane. Tole měješe so w zwisku z dalepisanjom koncepta za wuwice Slepjanskeje wosady stać. To pak so dotal bohužel stało njeje. Ze swójskeje iniciatiwy je župa tuž nětko „Sociokulturnu koncepciju“ gmejnje Slepjo přepodała. Tutón koncept bu na wědomostnej konferency Serbskeho instituta wot 27. do 30. oktobra 2011 w Slepom w někotrych dypkach konkretizowany.

Tohodla wobhladujemy powšitkowne žadanja na stronje 10 za „kmanymi napravami k zachowanju serbskeje rěče, hajenju naložkow kaž tež spěchowanju serbskich zarjadnišćow resp. towarstwow, z kotrymiž ma so specifiskim socialnym zajimam wotpowědować“, jako njedosahace. Je trjeba, zo so koncept „Za zachowanje a spěchowanje serbskeje rěče a kultury“ eksplicitnje w brunicowym planje, kotryž ma so wobzamknyć, zakótwi. Při tym ma so hižo nadžěłana „Sociokulturna koncepcija“ jako zakład wužiwać. Njeakceptujemy, zo ma so rozsud wo tym, što budže so realizować, jeničce wukóncej jednanjow mjez potrjechenymi gmejnami a hórnistwowym předewzaćom přewostajić. Do tutoho procesa jednanjow maja so zastupjerjo mjeńšiny zapřijeć a jich specifiske naležnosće k zaručenju „serbskeje rěče, kultury a naložkow“ w ewangelskim sydlenkim rumje Slepjanskich Serbow maja so wobkedžbować.

cil 2: strona 15

Tež tu je nam wuprajenje, zo so „dalše předewzaća k zachowanju serbskeje kultury podpěruja“, přenjekonkretnje. Horjeka mjenowana koncepcija „Za zachowanje a spěchowanje serbskeje rěče a kultury“ kaž tež jeje dalewuwiwanje měloj so jako imanentny wobstatk procesa přesydljenja w prašenju zrijadowanja a wuhotowanja narunanskich sydlenkich rumow zakótwić.

Za přichod móhlo při ewentualnym přesydlenju wažne być, zo so ramik jednanja za etnikum nastupajo procesy, kotrež so potom w Slepjanskim regionje přiběrajcy masiwnje a intensiwnje wotměja a wotběža, přiměrja resp. po potrebjce nowe ramiki jednanja wuwijaja. Tole je trjeba dia zdžěia so wotchilacych resp. so znapřećiwjacych kulturnych perspektiwow, kotrež tu na so raža, a dokelž su přichodnje potrjecheni tomu

wustajeni, z tutymi přečiwkami wšedny dzeń žiwi być dyrbjec. Hladajo na cyłkownu kompleksnosć tutych wšelakorych procesow je so mjeztym jako njewobeńdžomne wustajiło, zo ma wědomostny přewod hač do kónca ewentualneho procesa přesydljenja trać. Hewak bychy elementy falowali, z kotrymiž hodža so procesy w přichodže wowliwować.

redakcionelny pokiw: Po našich informacijach žaneje milinamje Wochozy njeje (kónc 2. wotrězka pod tabulku).

4.3. Woda

cil 8 / strona 22

Zaručenje zjawneho a priwatneho zastaranja z wodu nastupajo mnóstwo a kwalitu nima so jenož zaručić za čas, hdyž je kónčina wot hórnistwa wowliwowana, ale maja so tež wuměnjenja stworić, zo je to tež po skónčenju wudobywanja brunicy zaručene.

W prjedawšim zaměrje 9 (brunicowy plan 1994), štož je nětko cil 8, bu hórnistwowe předewzaće tomu zawjazane, zo ma z přihódnyimi napravami pohubjeńšenja za wodarnju Slepó narunać, zo by so w času, hdyž so hórnistwo na dnjownu wodu wuskutkuje, zjawne a priwatne zastaranje z wodu po mnóstwje a kwalice zaručiło. Wodarnju Slepó pak su přislušne instancy dla překročenja maksimalnych hódnotow 1994 zawrěli. Prjedy přez Slepjansku wodarnju zastarane gmejny Slepó, Lěsk, Rowno, Mułkocy, Miłoraz, Nowe město a Trjebin buchu z tym wot 10. junija 1994 jenož hišće přez hłowny zastaranski wodowód z wobłuka Čorna Pumpa zastarane. Doskónčna narunanska naprawa za wodarnju njebu hač do džensnišeho zwoprawdžena. Nětko bu znate, zo chce nětčiši hórnistwowy koncern dodawanje pitneje wody přez tutón zwisk z Čorneje Pumpy do Běleje Wody hač do lěta 2018 skónčić. To by tež był kónc dotalneho přechodneho rozrisanja.

Po sakskim zakonju wo wodach pak maja nošerjo nadawkow we wobłuku swojeje wukonliwosće winowatosć, w swojej kónčinje ludnosć a přemysłowe a dalše zarjadnišća dosahajcy z wodu zastarać. Hórnistwowe předewzaće ma dóstać zawjazk, zjawne a priwatne zastaranje z wodu po mnóstwje, plaćiznje a kwalice za čas svojich hórnistwowych aktiwitow, kiž so na dnjownu wodu wuskutkują, zaručeć. To rěka, zo ma so předewzaće wo to starać, zo so pitna woda tež po zakónčenju wudobywanja brunicy financuje a zaruča. Napołożenje tutych wudawkow potrjechenemu regionej a jeho wobydlerjow njeby akceptabelne bylo.

Tute žadanje ma so přidatnje do cila 8 dalepisanja zapřijeć.

4.4. Wuwiwanje sydlenkeje struktury

cil 12 / strona 27

Zhusćenje sydlenkeje struktury jeničce z přičin realizowanja žadanjow planowanja rumow a twarskeho prawa je žadanje, kotrež wot přesydljenja potrjecheni njemóža akceptować. Sydlenka struktura ze swojej wólnišej formu - ze zahrodami a zelenišćemi - ma so do dalokeje měry wobkedžbować. Tež argument přidatnych

inwesticijow za zastaranje a spřístupnjenje ležownosćow njeakceptuje so jako wopodstatnjenje za tajke zhucćenje. Jenož z wobdźělenjom ludnosće, po diskusijach wo wužiwanju płoninow, wo ramikowych a wobtwarijskich planach su dobrowólne změny akceptabelne. Při tym pak ma so na to dźiwać, zo so typiski, wsy postajowacy napohlad zachowa.

Městna, hdžež maja so wsy znowa zasydlić, njesmědža so powšitkownje jako ryzy bydlenske kónčiny wuhotować. Móžnosće plahowanja drobnego skotu a znowazasydlenje zawodow małego přemysla maja so zaručić. Žadanja ze zasady 13 měli měć wuswutk, zo je Slepjanska wosada za wulki dźěl wot přesydlenja potrjechenych přemysłowych zawodow dale srjedžišćo jich dźěla a žiwjenja.

cil 14 / strona 28

Župa je konkretne přidatne žadanja k cilej 14 diskutowała, zapřijawši tež „Socio-kulturny koncept“, kotryž je župa Běła Woda/Niska gmejnje Slepjo hižo přepodała. Nimo toho wobkedźbowachu so tež wuswědky prezentacije firmy Intelligenz System Transfer (IST), kotraž wona dnja 02.12.11 při přepodaću profila socialnych narokow (SAP) předstaji. Dokelž předleži tutón dokument hakle krótki čas, njejsu wuswědky doskónčne. Jeli budže trjeba, damy we wotwažowanskim jednanju hišće dalše dypki do diskusije.

Ze wšelakich wuprajenjow jednotliwych wsow k přichodnemu wuznamej serbskosće za wsy a wjesne dźěle hodži so hižo nětko wotwodžeć, zo dyrbi so při wšitkich twarskich, sociokulturnych a infrastrukturalnych naprawach, kiž maja wuwidcu wosady jako cyłk a wuwidcu jednotliwych wsow sluzić, na prawy poměr nastupajo centralizaciju a decentralizaciju dźiwać. Wosebity raz Slepjanskeje wosady jewi so w jónkrótnej, historisce zrosćenej zhromadnosći jeje wosom wosadnych wsow. Je trjeba, zo so wone w swojim samopostajowanju respektuja, hdyž dže wo hajenje a dalše wuwidwanje žiweho rěčneho, kulturneho a historiskeho herbstwa. Na přikład ma kóždy jednotliwa wjes we wosadze jako kulturny cyłk swoje typiske nałožki. Wotrnjejujo so w tym wot susodnych wsow, přinošuje tutón aspekt tworjenju identity wjesnjow.

Wuswědky přepytowanja Intelligenz System Transfer pokazuja nimo toho na to, zo su socio-kulturne zetkawanišća (na př. rumnosće za towarstwa, hosćency, kulturne statoki, pěstowarnje, rumnosće za zhromadźizny) za začuće zhromadnosće mjez wobydlerjemi wažne. Zo byšćej so suwerenita a to typiske jednotliwych wsow zaručało, ciwilnotowaršnostny angažement so rozwiwać móhł a dže čestnohamtskich mocow so do cyłka wjedło a spěchowało, měło so za wšitke wjesne dźěle znajmjeńša jedne abo wjacore socio-kulturne zetkawanišća zarjadować, kiž so hodži k profilej, kotryž je za wjes typiski.

Nałožki njechaji jenož tudyša serbska ludnosć, ale tež towarstwa a kulturne cyłki w zhromadnych aktiwitach kaž tež hromadze z jednotliwymi wsami. Zo by so substanca zachować a serbska kulturna komponenta w přichodze skrućić móhła, ma so cyłkowe wobydlerstwo wšěch wosom wosadnych wsow podpěrować. Tohodla měla wobstejaca socio-kulturna infrastruktura kaž tež towaršnostna infrastruktura, kotraž ma so nowa wutworić, nic jenož towarstwam a ludžom k dispoziciji być, kotřiž su direktnje potrjecheni, ale wšitkim wobydlerjam Slepjanskich wosadnych wsow (k tomu słuša tež Lěsk).

Pokazujemy tule hišće raz na pokiwy k cilomaj 2 a 12. Zaměr dyrbi być, zo so serbska substanca jenož njezachowa, ale zo so hladajo na z hórnistwa wuchadźace wohroženje z přidatnymi aktiwnymi prócowanjemi wutwari a dale wuwije.

Jednu móžnosć za dołhodobne zawěšćenje trěbnych naprawow k zachowanju rěče a zdobom wozrodženja rěče - tež Slepjanskeje serbšćiny -, serbskeho turizma, medijow w serbšćinje, žiweho hajenja kultury a tradicijow, socio-kulturnych podpěrowacych naprawow wosebje za młodžinu, trěbneje dokumentacije a wažnych jednotliwych naprawow widźimy w rozšěrjenju wobłukoweho dojednanja (2008-2013) mjez Domowinu a koncernom Vattenfallom a w jeho wuhotowanju z wotpowědnymi pjenježnymi srědkami. Tute naprawy su w Zakładnym zrěčenju 2008 z gmejnu Slepo za kónčinu I, kotraž je za wotbagrowanje předwidžana, zakótwjene. Wone měli so w nowym zakładnym zrěčenju za cyłu dobu, w kotrejž hórnistwo region II wowliwuje, zapisać a pokročować. Za perspektiwiske skrućenje serbskeje kulturneje komponenty a k runočasnjej podpěry cyłkowneho wobydlerstwa wšitkich wosom k wosadze słušacych wsow by tež tu załoženje „Slepjanskeje kulturneje załožby“ zmysłapołne było. Zakłady za to buchu ze „Socio-kulturnym konceptom Slepo“ w kooperaciji ze Serbskim institutom nadźěłane. W nim su horjeka mjenowane dypki hižo z konkretnymi naprawami podkładzene. K tomu słuša mjez druhim, nimo přesadženja Njepilic dwora Rowno tež rozšěrjeny koncept za njón tež wutworjenje zetkawanskeho centruma za europske narodne mjeńšiny.

4.5. Zakładne rysy rekultiwowanja /pohórnistwowa krajina

zasada 15 / stronje 29-30

Pod zasadu 15 namjetowane pomjenowanje za pohórnistwowy jězor z mjenom WOCHOZY njedoporučamy. Na kóždy pad ma so w mjenje regionalny počah k Slepomu jewić. Tule so wudobywanje brunicy započea a tule so, jeli so pokročowanje jamy přizwoli, tež skónči. Připóznawamy počezjenja za Wochožanow za čas NDR, tola tu budu so tysacy ludźi zdžěla do noweje domizny přesydlić dyrbjeć. Hladajo na diskusijne procesy a přemjenowanja we Łužiskej jězorinje by jeničce pomjenowanje „Schleife-Slepo-See“ do prašenja přišło. Potom měli so na městnje něhdyšich wsow znački w jězorje připrawić, kiž na nje dopominaja. Wo tym, kak móža so tute městna za turizm zajimawe sćinić resp. turistisce wužiwać, njech so pozdžišo rozsudzi. Znajmjeńša dyrbi so zaručić, zo móža ludžo swoje dopomnjenki z konkretnej městnosću zwjazać.

cil 16 / strona 30

Zapřiječće Slepjanskeho regiona do tworjenja syćow přichodnych turistiskich wuwicow je trěbne. Nimo zapřiječća Brězowskeho jězora a čary lěsneje železnicy jako narunanje za wotbagrowane přestrjenje matej so turistiska informacija z wuhladnišćom při kromje jamy a centrum europskich narodnych mjeńšin realizować.

W premisach energijoweje politiki a krajneho planowanja so mjez druhim na stronje 8 na „cyłotnu, pohórnistwowe jězory a kraje přesahowacu, regionalnje wothłosowanu a zhromadnu strategiju wuwica“ za turizm pokazuje. W cilu 16 pak je jenož wužiwanje

pobřížně cesty „za vočerstvjenje“ zapisane. Potom mjenuje so zapříjeće jězora do syće, wobstejaceje z Kromolanskeho parka a Mužakowskeho parka kaž tež Komunikaciskeho a informaciskeho centra Běla Woda (wuhladna wěža při Čezkej horje) a podlěšenje čary lěsneje železnicy k Hermanečanskemu jězorej resp. Wochožanskemu parkej blůdženkow. Nastupajo trěbne wudospołnjenje syće w směnje Brězowskeho jězora pak so na regionalny plan wotkazuje. Region Slepom so při tutech planowanych napravach jako čezišćo njejewi. Jako „Tematiska wjes – Na wopyće w Slepom – Dowol na wsy – Serbja a brunica“ ma so Slepom direktnišo zapříjeć. To nastupa mjez druhim twar wuhladneje wěže, z ewentualnym pozdźišim wužiwanjom něčičešeho twarjenja dwórnišća jako turistiska informacija a z wustajeńcu modelow wjesnych džělůw a jich wokoliny, kotrež buchu wotbagrowane. Při tym ma so tež zarjadowanje centra europskich mjeńšinow jako turistiska zajimawostka planować.

zasada 20 / strona 33

Na potreby njewobmjezowaneho wužiwanja wojskeho zwučowanišća so přeco zaso pokazuje. Tole pak njesmě, kaž so na stronje 33 praji, tež ploniny zwonka direktneho wužiwanja wowliwować. Tohodla ma so planowane přeprěčenje za tanki přez B 156 inkluziwnje Hermanečanskeje kolesowanskeje šćežki hišće raz přepruwować.

4.6. Wobchadne čary

cil 21


W cilu 21 ma so při narunanskich napravach za kolesowanske šćežki, předewšěm „Žabjaceje šćežki“, nawjazanje na temowu šćežku „Serbske impresije“ zaručić. Tuta naprawa so tuchwilu w kooperaciji z MGO a Serbskim kulturnym turizmom z. t. krok po kroku přesadza, zo by so Slepjanska kónčina sobu zapřijała. Tole ma so tež w přichodze zaručec.


zasada 24 (lěsna železnica) / strona 36

Do zasady 24 ma so zapříjeće Brězowskeho jězora do syće lěsneje železnicy wuraznje sobu zapříjeć, zo njeby so wón přez pozdźišo planowanje rumow znowa do prašenja stajil.

Do naličenja wuznamnych planowanjow rumow ma so syć kolesowanskich šćežkow temoweje čary „Serbske impresije“ zapříjeć. Wotpowědna karta je w přiloze.

Stejišćo so jednohlósne wobzamkneše. Na wuradzowanju wobdžělchu so 11 čłony předsydstwa. Zhromadźiznja bě wobzamknjenja kmana





- Serbske impresije
- - - Krabatowa szezka
- · · Zabjaca szezka
- Wjelta szezka
- Sprjewina szezka
- nawjazowace szezki